

梅溪王先生文集

八

蘇子卿

PDG

梅溪先生後集卷第六

詩

次韵昌齡至樂齋讀書

端慕顏回樂真同陋巷居
息心容膝地得趣滿牀書
整短燈宵未窻明日晷舒
相看有脩竹心為主人虛

寶印叔示詩且索碑刻以南明山六大字為獻

紫芝岩仍次韵

不才詎可登臺省早問君王覓閑冷
聊尋商嶺綺与園

未羨雲臺冠并耿掛碑滿屋寧療飢
來詩云滿屋掛碑光耿嗜好

與叔真相宜試寄南明六大字想像年少西游時

寶印叔辯上人各贈瑞香花

小小園林意自憐

全用劉汝一書送行詩一句

名花十八擬唐賢瑞

香一種來潛澗學士新添兩少年

曹夢良自許峯來訪留山間數日賦詩數十章

復出四絕見贈次韵

徑荒猶有淵明菊囊澁寧求季子金老矣此身何處著
入山惟恐未能深

謾有忠懷徒耿耿恨無長策掾元元張儀舌在知何用
莫莫休休且勿言

平生風義慕相如筆硯從游二絕餘直許交情定金石
肯同餘耳但光初

與君連夕燈前語勝讀千年窓下書八斗文章千里足

未應低首掾桐廬

先人舊題東山墓亭三絕

入堂無復見雙親

此字元犯御名故易之

此來寧似在神天地

深恩難以報含悲唯有淚霑巾

門枕青山戶傍谿青山流水助悽悽雙親既遠神何在

對此追思獨怨啼

新築茅廬澗壑園山光水色共依依野人不為閑中趣

誰會朝來與暮歸

某辛巳秌婦自武林省先隴遂修亭宇濬溪流

因思先人舊詩已隨屋壁壞矣尚能記憶遂追

和

殘生無計可榮親一見松楸一損神惟有青山知此意

晨昏長戴白雲巾

先嚴在家之棟山最高白雲常林其頂

重葺山亭濬舊溪杖藜來往獨悲悽追思四十年間事

風為哀號鳥為啼

丘木森森已十圍滿林清蔭可棲依每憂樵牧傷松柏

游宦三年兩度歸

送萬先之赴清湘教官

早歲声名滿上庠青衫今始赴清湘得官已晚豈宜冷

行路正難那更長平昔心期良不淺異時官業可能量

鵬程九萬從今日行見飛飛到帝旁

送曹夢良赴桐廬戶掾

年少論交老愈堅交情盡在和韓篇短檠業共賢閑舍
淡墨名同桂籍年筮仕暫為三語掾摘詞行踐八花磚
許峯佳識亦聊耳何止蓬萊山上仙端安有許峯之識
鷄黍相尋豈偶然論文尊酒荷留連秋風初送雁群至
喬木喜聞鶯友迂勸我鑑湖行甚力送君釣瀨去無緣
頭將清白師韓范從此高堂有四賢
需次家鄉五載遲便便腹笥愈添圓才如子建豈論斗
性類西門能佩常車馬戒塗君欲去田園迷徑我初歸
男兒所尚惟名節莫墮人間富貴機

十月朔日偶書

去年此日對清光聖德能容一介狂言畧施行非不遇

身雖踈外亦何妨

剪拂花木戲成二絕

洒掃衡茅端欲老
剪裁花木自為春
權門炙手非吾事
祇合丘園作散人

蔓中萋萋莫許侵
好花封植待成陰
每於小小園林裏
長抱惓惓畝畝心

小小園十月杜鵑花盛開
有共蒂雙頭之異因
以數語記之

一聲杜宇啼春風
明朝緋掛千山叢
歲寒此色豈易得
那更朶朶雙頭紅
共蒂聯芳友于愛
一吐一含分次第
造物私我小園林
此花大勝金腰帶

杜鵑中有名金腰帶者

題月師桂堂

道人以月名身以桂名堂胷中負所有志在丹霄旁冠
巾尚可加唾手得天香惜哉已世外此志終莫償山中
作堂侔月窟禪定吟餘思清越要令坐上生清風須使
心中似明月

十一月二日自金谿訪錢用章于白石覽山川
景物之奇以東道之姓為韵

朝離文君故宅邊莫尋謝守舊行田黃羊先示神仙迹
湖上輿有黃羊岩白石俄開洞府天兩派崢嶸鳴玉澗一聲款
乃釣魚舡王孫占得湖山勝明月清風不計錢

同錢用明用章游白石岩

謝公好山水得郡古東甌造物惜佳境雅志多不酬松
蘿蔽雁蕩烟靄埋龍湫行田徑白石不到仙山頭寥々
數百年天付黃冠流巍然萬仞崖壁立東南州誰將補
天手化出白玉樓兩龕藏洞府中有群仙游上通赤五
天下接三神州飛泉落岩腰碧澗鳴山陬群峯真培塿
滄海為溔溝監視人間世萬象同蜉蝣我家雁山陽崎
嶇厭經丘翩翩錢公子呼我尋岩幽初驚小雨密忽掃
群陰浮杖屨窮巔屹一洗塵埃眸山林有真樂富貴何
足求但願乞二山不願萬戶侯

二山白
雁蕩

又書岩上

十里湖山翠黛橫兩溪寒玉闌琮琤路從飛鳥上頭過

人在白雲高處行
岩下行田謝康樂
洞中辟穀李先生
凭欄不瞰人間世
轉覺此心名利輕

胥玉泉

白石岩胥玉泉佳名初自長官傳
渾疑齒頰冰霜論
終日霏霏落半天
調開祖名是泉曰胥玉東坡有贈周
齒牙齒牙

李少和像

少和辛苦學飛仙
遺像今猶在洞天
都似先生能辟穀
何須太守為行田

游東際

白石三峯下懸崖
七際流穿雲來汨汨
朝海去悠悠石

是誰家婦

俗有兩石峭立呼石新婦

龍居第幾楸

俗云舊

平生不行

險到此即回頭

上有六際畏險不登

次韵寶印叔觀海三絕

載地浮天浩莫窮
氣營樓閣聳虛空
道人妙得觀瀾術

萬里滄溟碧眼中

榴屿何年改玉環

木榴屿一名木樛屿俗傳避錢玉諱故改名玉環

望中猶是

舊青山遺民不記當時事
惟有湖声日往還

誤入蓬萊朝未央
至今魂夢記微茫
扁舟欲効鷗夷子

遙望滄波興已狂

李鎮夫闢圃築堂効孟氏之養吾表兄杖屨其

間得日涉之趣其來游名堂曰雙植因書三絕

不到君家幾換春眼中風物一番新吾園小小知何用
不似茲園可養親

琴書得趣有真樂軒冕倘來何足千種德種花兼着力
要須留與子孫看

繞堂花木隨宜種堆案文書取次翻我待衣冠掛林下
杖藜時復到君園

劉長方自豫章寄書稱礬焦蠣房之美恨未知
味書一絕以寄之

珠嶼小蠣圓帶石礬焦巨房深若盃吾鄉此味亦不惡

故人游宦盍歸來

礬焦在沙角海中本日奴焦子易之曰礬珠崎在大芙蓉小蠣絕佳

寶印叔得小假山以長篇模寫進士欽逢辰和

之某次韵并簡欽

越絕天台溫雁蕩萬壑千岩各形狀錢塘風物更奇絕
杖履年時記曾訪歸來戲闢小園林十里西湖藏甕盎
予嘗以甕植蓮有詞云悠然入眼皆吾山羅列軒窓一
一壑地也十里西湖是何壯止菴道人真有道種竹蒔花近丘壑何人好事贈
假山潛澗新添小屏嶂却疑遷徙從平泉更恐飛來自
秦望秦望山飛來石世間賈物何止此沙佛儒衣龍亦象
道人於物意豈留異日從教散天壤花木篇章兩游戲
林下高風真可尚來游蓮社有詩人句比昌黎更豪放
我休說假復論真真假通同歸一相

次韵昌齡西園十詠

黃楊

子歸自武林黃楊猶枯命工去藤蔓台蘚復有生意

黃楊庚甲與吾同樹已蕭疎我亦翁藤蔓稍除苔蘚去
歲寒猶解傲霜風

蒲萄

滿架龍鬚卷復伸堆盤馬乳釀青春潑陪一斗宜延客
莫博涼州學漢人

脩竹

至樂齋西碧玉竿清陰時過酒杯寒明年看長纖纖筍
解籜當為漢帝冠

梅

拂雲脩竹遶吾家竹裏仍栽第一花好句更同林處士

月黃昏後影橫斜

桃

欲留王母盤中核
兼採秦人洞裏薪
此事渺茫花笑我
不如聊賞故園春

李

長念詩人詠子嗟
團欒繞樹日欹斜
冰盤行薦炎天實
不用東門學種瓜

杉

記得先人手自栽
森然千尺盡成材
翠絲結作思人樹
它日兒孫豈忍摧

桂

丹青休歎路難通
學取燕山種桂叢
異日天香滿亭院
吾廬當似廣寒宮

柳

何幸先人有弊廬
不妨同種柳千株
垂陰覆地寧無日
作雪漫天肯似榆

菊

百花春放菊秋榮
霜裏鮮鮮照眼明
歲晚不妨開自好
何須三嗅泣繁英

題如存亭壁附二

朔五

寶

不見慈親已一星
佳城松柏慘然青
此生難報劬勞德
空對銘碑涕泗零

年來游宦遠松楸
越雪吳霜帶滿頭
乞得祠宮養衰病
白岩香火共僧修

劉義夫欲與先隴植蘭寄數根

思親何忍陟南陔
采得幽蘭祗自哀
寄與東山劉孝子
佳城側畔好親栽

義夫許贈丁香蠟梅

劉郎不獨種桃花
蠟藥柔香更可嘉
臭味相同林下友
從今花木亦通家

予植十八香丁香曰柔香取杜詩丁香體柔弱

義夫以趙清獻諫垣集易柳文次其韵

文集何須較少多
有無相易共漸磨
憲臺清獻柳州柳
唐宋人才未易過